

«ԳՈՐԻՍԻ ՊԵՏԱԿԱՆ ՔՈԼԵՋ» ՊՈԱԿ

ԿԱՆՈՆԱԿԱՐԳ

«ԳՈՐԻՍԻ ՊԵՏԱԿԱՆ ՔՈԼԵՋ» ՊՈԱԿ-Ի

ՈՒՍԱՆՈՂՆԵՐԻ ԳԻՏԵԼԻՔՆԵՐԻ ՍՏՈՒԳՄԱՆ, ՍՏՈՒԳԱՐՔՆԵՐԻ ԵՎ

ՔՆՆՈՒԹՅՈՒՆՆԵՐԻ ԱՆՑԿԱՑՄԱՆ, ԳՆԱՀԱՏՄԱՆ ԵՎ

ԲՈՂՈՔԱՐԿՄԱՆ

(ՆՈՐ ԽՄԲԱԳՐՈՒԹՅԱՄԲ)

«ԳՈՐԻՍԻ ՊԵՏԱԿԱՆ ՔՈԼԵՋ» ՊՈԱԿ-Ի
Կ Ա Ռ Ա Վ Ա Ր Մ Ա Ն Խ Ո Ր Յ Ո Ւ Ր Ղ

ՈՐՈՇՈՒՄ N 52

«29» 11 2019թ.

Բ. Գրիգորյան


«ԳՈՐԻՍԻ ՊԵՏԱԿԱՆ ՔՈԼԵՋ» ՊՈԱԿ-Ի ՈՒՄԱՆՈՂՆԵՐԻ ԳԻՏԵԼԻՔՆԵՐԻ ՍՏՈՒԳՄԱՆ,
ՍՏՈՒԳԱՐՔՆԵՐԻ ԵՎ ՔՆՆՈՒԹՅՈՒՆՆԵՐԻ ԱՆՑԿԱՑՄԱՆ, ԳՆԱՀԱՏՄԱՆ ԵՎ
ԲՈՂՈՔԱՐԿՄԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Գորիսի պետական քոլեջ» ՊՈԱԿ-ի
կանոնադրությամբ.

Ո Ր Ո Շ Ո Ւ Մ Ե Մ

1. Հաստատել «Գորիս պետական քոլեջ» ՊՈԱԿ-ի ուսանողների զիտելիքների ստուգման,
ստուգարքների և քննությունների անցկացման, գնահատման և բողոքարկման կանոնակարգը:

Նախագահ՝ ԱՐԱՐԱՏ ԼԱԼԱԲԵԿՅԱՆ


(ստորագրություն)

Քարտուղար՝ ԴԱՎԻԹ ՋՈՒԼՀԱԿՅԱՆ


(ստորագրություն)

**ԳՈՐԻՍԻ ՊԵՏԱԿԱՆ ՔՈԼԵՋԻ ՈՒՍԱՆՈՂՆԵՐԻ ԳԻՏԵԼԻՔՆԵՐԻ ՍՏՈՒԳՄԱՆ,
ՍՏՈՒԳԱՐՔՆԵՐԻ ԵՎ ՔՆՆՈՒԹՅՈՒՆՆԵՐԻ ԱՆՑԿԱՑՄԱՆ, ԳՆԱՀԱՏՄԱՆ ԵՎ
ԲՈՂՈՔԱՐԿՄԱՆ**

ԿԱՆՈՆԱԿԱՐԳ

ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնակարգի իրավական հիմքերն են «Կրթության մասին» ՀՀ օրենքները, ԳՊՔ կանոնադրությունը, նախնական մասնագիտական (արհեստագործական) և միջին մասնագիտական ուսումնական հաստատություններում պետական ամփոփիչ ստուգման կազմակերպման ու անցկացման կարգը, մասնագիտությունների պետական կրթական չափորոշիչները և այլ իրավական ակտեր:
2. Սույն կանոնակարգը կարգավորում է ուսանողների գիտելիքների անընդհատ ստուգման, ընթացիկ և կիսամյակային քննությունների ամբողջ առարկայից/մոդուլից կամ դրա առանձին բաժիններից և տվյալ ժամանակահատվածում ուսանողի կատարած աշխատանքի գնահատման, ստեղծագործական մտածողության զարգացման, ինքնուրույն, սիստեմատիկ աշխատանքի հմտությունների ձեռքբերման, գործնական խնդիրների լուծման մեջ ստացած գիտելիքների կիրառման կարողության, ստացած գնահատականի վերահանդիման (բողոքարկման) գործընթացը:
3. Ուսանողի գիտելիքների անընդհատ ստուգումն իրականացվում է առավելապես լաբորատոր, գործնական և սեմինար պարապմունքներին, որի կազմակերպումը պարտադիր է և որը նպաստում է ուսանողների գիտելիքների անընդհատ կուտակման ու կիսամյակի ընթացքում սիստեմատիկ աշխատանքներին, ինքնուրույն աշխատանքի զարգացման և ուսանող-դասախոս արտաժամյա (արտալսարանային) ուսուցման գործընթացին:

**ՍՏՈՒԳԱՐՔՆԵՐԻ, ՔՆՆՈՒԹՅՈՒՆՆԵՐԻ ԸՆԴՈՒՆՈՒՄԸ, ՀԱՆՁՆՈՒՄԸ,
ՎԵՐՋՆԱՐԴՅՈՒՆՔՆԵՐԸ, ԳՆԱՀԱՏԱԿԱՆՆԵՐԻ ՄԻՋԻՆ ԹՎԱԲԱՆԱԿԱՆԻ ՀԱՇՎԱՐԿՈՒՄԸ**

4. Ստուգարքները, որպես կանոն, ծառայում են ուսանողների կողմից կատարվող լաբորատոր, գործնական ու սեմինար պարապմունքների նյութերի յուրացման ստուգման ձևը: Ստուգարքները կարող են սահմանվել ինչպես առանձին առարկայից/մոդուլից, այնպես էլ նրանց առանձին բաժիններից:
5. Ուսանողները պարտավոր են բոլոր ստուգարքները և քննությունները հանձնել ուսումնական պլաններին, սահմանված ժամանակացույցերին և գրաֆիկներին համապատասխան:
6. Ուսանողների ընթացիկ գիտելիքների ստուգումներն անց են կացվում կիսամյակի ընթացքում առարկայի/մոդուլի առանձին մասերից:
7. Ուսումնական տարվա ավարտին հաշվարկվում է ուսանողների առաջադիմությունը՝ տվյալ ուսումնական տարվա ուսումնասիրած առարկաների/մոդուլների, պրակտիկաների գնահատականների ընդհանուր միջին թվաբանականը:

- 7.1. Մինչև 36 ժամ բացակայության դեպքում տվյալ ուսումնական տարվա ուսումնասիրած առարկաների/մոդուլների գնահատականների ընդհանուր միջին թվաբանականից միավոր չի հանվում է:
- 7.2. 36-ից մինչև 72 ժամ բացակայության դեպքում տվյալ ուսումնական տարվա ուսումնասիրած առարկաների/մոդուլների գնահատականների ընդհանուր միջին թվաբանականից հանվում է 1 միավոր:
- 7.3. 72-ից մինչև 215 ժամ բացակայության դեպքում տվյալ ուսումնական տարվա ուսումնասիրած առարկաների/մոդուլների գնահատականների ընդհանուր միջին թվաբանականից հանվում է 2 միավոր:
- 7.4. 216 ժամ և ավելի բացակայության դեպքում, համապատասխան ներքին կարգապահական կանոնակարգի, ուսանողը հեռացվում է քոլեջից:
8. Նույն կիսամյակում ստուգարքով ավարտվող առարկաներից/մոդուլներից ուսանողի ստուգարքը կարող է համարվել հանձնված, եթե ուսանողը սիստեմատիկ հաճախել է դասերին, լիարժեք կատարել է բոլոր տեսական ու գործնական առաջադրանքները՝ պահպանելով սույն կանոնակարգի 11-րդ կետի պահանջները:
9. Առարկայական/մոդուլային ստուգարքներն ընդունում է դասախոսություն կարդացող, լաբորատոր-գործնական (սեմինար) վարող դասախոսները: Ստուգարքը կարող է ընդունվել նաև ընթերակայի ներկայությամբ՝ բացառությամբ հանրակրթական առարկաների:
10. Առարկայական/մոդուլային քննություններն ընդունում է դասախոսություն կարդացող, լաբորատոր-գործնական (սեմինար) վարող դասախոսները, ամբիոնի վարիչի/մեթոդմիավորման նախագահի հսկողությամբ: Քննությունն ընդունվում է ընթերակայի ներկայությամբ:
11. Առարկայական, մոդուլային ուսուցման դեպքում ընդունելի կատարողականներն են (վերջնարդյունք).
 - 11.1. Մոդուլային ուսուցման դեպքում մոդուլի ընդունելի կատարողականը (վերջնարդյունք) յուրաքանչյուր արդյունքի համար նախատեսված կատարման չափանիշների բավարար մակարդակի ապահովումն է՝ ուսանողի կողմից մոդուլի յուրաքանչյուր արդյունքի համար սահմանված գնահատման միջոցի պահանջների կատարմամբ:
 - 11.2. Առարկայական ուսուցման դեպքում առարկայի ընդունելի կատարողականը (վերջնարդյունք) սահմանված է մասնագիտության պետական կրթական չափորոշչի 2.2 կետում, որում սահմանվում են ըստ դասընթացների *մաստազետի* պատրաստվածության մակարդակի նկատմամբ պահանջները:
 - 11.3. Հանրակրթական առարկաների ընդունելի կատարողականը (վերջնարդյունք) սահմանված է առարկայի չափորոշչի «Սովորողներին ներկայացվող չափորոշիչային պահանջներ» բաժնում:
12. Ստուգարքները, քննություններն անց են կացվում երեք փուլով.
 - 12.1. Ստուգարքի առաջին փուլն ըստ օրացուցային թեմատիկ-պլանի տվյալ առարկայի/մոդուլի դասավանդման վերջին օրն է:
 - 12.2. Քննության առաջին փուլն ըստ ուսումնական մասի կողմից կազմված և տնօրենի կողմից հաստատված քննությունների հանձման ժամանակացույցի օրն է:
 - 12.3. Երկրորդ փուլն ուսումնական մասի կողմից սահմանված և տնօրենի կողմից հաստատված ակադեմիական պարտքերի մարման ժամկետն է՝ ընթացիկ ուսումնական տարվա դեկտեմբեր ամսվա երրորդ շաբաթից մինչև հունվար ամսվա երրորդ շաբաթն ընկած ժամանակահատվածում՝ 1-ին կիսամյակի համար և ընթացիկ ուսումնական տարվա հունիս ամսվա առաջին շաբաթից մինչև հունիս ամսվա երրորդ շաբաթն ընկած

ժամանակահատվածում՝ 2-րդ կիսամյակի համար (ակադեմիական պարտքերի մարման առաջին փուլ):

- 12.4. Երրորդ փուլն ուսումնական մասի կողմից սահմանված և տնօրենի կողմից հաստատված ակադեմիական պարտքերի մարման ժամկետն է՝ նոր ուսումնական տարվա առաջին կիսամյակի ուսումնական պարապմունքներին զուգահեռ երկրորդ և երրորդ շաբաթվա ընթացքում՝ նախորդ ուսումնական տարվա երկրորդ կիսամյակի ակադեմիական պարտքերի մարման համար և ընթացիկ ուսումնական տարվա երկրորդ կիսամյակի ուսումնական պարապմունքներին զուգահեռ երկրորդ և երրորդ շաբաթվա ընթացքում՝ ընթացիկ ուսումնական տարվա առաջին կիսամյակի ակադեմիական պարտքերի մարման համար (ակադեմիական պարտքերի մարման երկրորդ փուլ):
13. Հեռակա ուսուցման մասնագիտությունների ստուգարքները, քննություններն անց են կացվում երկու փուլով.
 - 13.1. Ստուգարքի առաջին փուլն ըստ օրացուցային թեմատիկ-պլանի տվյալ առարկայի/մոդուլի դասավանդման վերջին օրն է և/կամ մասնագիտության ուսումնական պլանի ժամանակացույցով սահմանված ժամկետը:
 - 13.2. Քննության առաջին փուլն ըստ ուսումնական մասի կողմից կազմված և տնօրենի կողմից հաստատված քննությունների հանձման ժամանակացույցի օրն է:
 - 13.3. Երկրորդ փուլն ուսումնական մասի կողմից սահմանված և տնօրենի կողմից հաստատված ակադեմիական պարտքերի մարման ժամկետն է՝ ընթացիկ ուսումնական տարվա 2-րդ կիսամյակի մեկնարկի 1-ին և 2-րդ շաբաթվա ընթացքում՝ 1-ին կիսամյակի համար և հաջորդ ուսումնական տարվա 1-ին կիսամյակի մեկնարկի 1-ին և 2-րդ շաբաթվա ընթացքում՝ 2-րդ կիսամյակի համար (ակադեմիական պարտքերի մարման առաջին փուլ):
14. Նույն կիսամյակում ստուգարքով և/կամ քննությունով ավարտվող առարկաներից/մոդուլներից ուսանողը կարող է ունենալ առավելագույնը մինչև 3 ակադեմիական պարտք: 4 և ավելի ակադեմիական պարտքեր ունեցող ուսանողը ենթակա է հեռացման: Այն դեպքում, երբ ուսանողը չի կատարել սույն կանոնակարգի 12.4. և 13.3. կետերի պահանջները և այդ կետերում նշված ժամկետներից դուրս շարունակում է ունենալ 1 և ավելի ակադեմիական պարտք, ենթակա է հեռացման:
15. Այն դեպքում, երբ ուսանողը չի ներկայացել 4 և ավելի ստուգարքի և/կամ քննության և ստացել է «չի ներկայացել».
 - 15.1. Բացակայությունը հիմնավորող փաստաթուղթ ներկայացնելու դեպքում նրա բացակայությունը համարվում է հարգելի և նրան թույլատրվում է ակադեմիական պարտքերի մարման ժամկետներում և/կամ ուսումնական մասի կողմից սահմանված ստուգարքների և քննությունների հանձման անհատական ժամանակացույցի համապատասխան հանձնել ստուգարքը և/կամ քննությունը՝ պահպանելով նախկինում ունեցած բոլոր պայմանները: Ուսանողը տնօրենին է ներկայացնում գրավոր դիմում: Հանձնած գնահատականի համար կազմվում է առանձին տեղեկագիր, որի մեջ փոխանցվում է ուսանողի ստացած գնահատականները:
 - 15.2. Բացակայությունը հիմնավորող փաստաթուղթ չներկայացնելու դեպքում, ստուգարքին և/կամ քննությանը նրա բացակայությունը համարվում է անհարգելի և համապատասխան սույն կանոնակարգի 14-րդ կետի, ուսանողը ենթակա է հեռացման:
16. Սույն կարգի 12.4, 13.3 կետով սահմանված ժամկետներում չներկայացած և բացակայությունը հիմնավորող համապատասխան փաստաթուղթ չներկայացրած և/կամ անբավարար ստացած ուսանողը ենթակա է հեռացման:

ԳՆԱՀԱՏԱԿԱՆՆԵՐԻ ՎԵՐԱՀԱՆՁՆՈՒՄԸ (ԲՈՂՈՔԱՐԿՈՒՄԸ)

17. Ուսանողների կողմից ստացած գնահատականների վերահանձնումների (բողոքարկումների) առավելագույն քանակ է սահմանվում 3 առարկան/մոդուլը, յուրաքանչյուրից առավելագույնը 2 անգամ: Ուսանողներին հնարավորություն է ընձեռվում ստուգարքները, քննությունները վերահանձնել յուրաքանչյուր կիսամյակի ավարտին՝ ակադեմիական պարտքերի մարման առաջին փուլի ընթացքում՝ բացառությամբ բանավոր ստուգարքի/քննության: Նախաավարտական կիսամյակում (ըստ մասնագիտությունների ուսումնական պլանների 6-րդ կամ 8-րդ կիսամյակ) վերահանձնումներ չեն թույլատրվում, բացառությամբ սույն կարգի 22-րդ կետի պահանջների: Պրակտիկաների համար վերահանձնում չի նախատեսվում:
18. Ուսանողների կողմից ստացած գնահատականների վերահանձնումը (բողոքարկումը) կատարվում է հանձնաժողովով, որի կազմի մեջ մտնում են՝ տվյալ առարկայի/մոդուլի դասախոսը, նույն կամ հարակից մասնագիտությամբ մեկ դասախոս, տվյալ առարկայի/մոդուլի գծով ամբիոնի վարիչը կամ մեթոդիավորման նախագահը և տվյալ առարկայի/մոդուլի քննման համար նշանակված ընթերական, բացառությամբ բանավոր ստուգարքի/քննության, որի դեպքում վերահանձնումն ընդունում են տվյալ առարկայի/մոդուլի դասախոսը և նշանակված ընթերական:
19. Ուսանողների կողմից ստացած գնահատականների վերահանձնումը (բողոքարկումը) կատարվում է հետևյալ կերպ.
 - 19.1. Բանավոր ստուգարքը/քննությունը բողոքարկվում է քննասենյակից դուրս չգալով՝ պահպանելով սույն կանոնակարգի 17-րդ կետի պահանջները:
 - 19.2. գրավոր ստուգարքի/քննության գնահատականի բողոքարկման համար գրավորի ստուգման և գնահատականների հրապարակման պահից հետո 1 աշխատանքային օրվա ընթացքում ուսանողը ուսումնական գծով փոխտնօրենին է ներկայացնում գրավոր դիմում՝ պահպանելով սույն կանոնակարգի 17-րդ կետի պահանջները:
20. Վերահանձնած գնահատականի համար կազմվում է առանձին տեղեկագիր, որի մեջ փոխանցվում է ուսանողի ստացած գնահատականը, որը չի կարող նվազ լինել իր նախորդ գնահատականից: Տեղեկագիրը ստորագրվում է հանձնաժողովի բոլոր անդամների կողմից: Ուսանողի ստացած գնահատականը փոխանցվում է կիսամյակային ամփոփագրի մեջ: Առանձին տեղեկագիր չի կազմվում բանավոր ստուգարքի/քննության, պետական ամփոփիչ ատեստավորման, դիպլոմային նախագծի (աշխատանքի) արդյունքների գնահատման համար:
21. Դիպլոմային նախագիծը (աշխատանքը) չպաշտպանած կամ պետական քննությունները չհանձնած ուսանողին թույլատրվում է վերահանձնել դիպլոմային նախագիծը (աշխատանքը) կամ պետական քննությունները քոլեջն ավարտելուց հետո 3 տարվա ընթացքում: Ուսանողը պետական քննությունները վերահանձնելիս հանձնում է քննություններ այն առարկաներից, որոնք նախատեսված են եղել նրա ավարտման տարում գործող ուսումնական պլանով: Քոլեջն ավարտելուց երեք տարուց հետո պետական քննությունների վերահանձնման թույլտվությունը տալիս է կրթության պետական կառավարման լիազորված մարմինը:
22. Ամբողջ ուսումնառության ընթացքում գերազանց առաջադիմություն ցուցաբերած, սակայն այդ ընթացքում մինչև 2 «բավարար» գնահատական ստացած ուսանողներին թույլատրել նախաավարտական կիսամյակային քննաշրջանում վերահանձնել առարկայական/մոդուլային ստուգարքները, քննությունները՝ սույն կարգի 18-րդ կետի պահանջների պահպանմամբ: Վերահանձնած գնահատականի համար կազմվում է առանձին տեղեկագիր, որի մեջ փոխանցվում է ուսանողի ստացած գնահատականը, որը չի կարող

նվազ լինել իր նախորդ գնահատականից: Տեղեկագիրը ստորագրվում է հանձնաժողովի բոլոր անդամների կողմից և կցվում տվյալ մասնագիտության տվյալ կուրսի տեղեկագրերի փաթեթին: Ուսանողի ստացած գնահատականը փոխանցվում է դիպլոմի հավելվածի մեջ: Ուսանողը վերահանձնումից երեք աշխատանքային օր առաջ ուսումնական գծով փոխտնօրենին է ներկայացնում գրավոր դիմում, որը կցվում է տեղեկագրին:

ԳՆԱՀԱՏՄԱՆ ՀԱՄԱԿԱՐԳԸ

23. Քննաշրջանում ուսանողների գիտելիքները գնահատվում են. 1 գնահատականը համարվում է շատ վատ (և/կամ անբավարար), 2՝ վատ (և/կամ անբավարար), 3՝ անբավարար, 4՝ բավարար, 5՝ միջին (և/կամ բավարար), 6՝ միջինից բարձր (և/կամ բավարար), 7՝ լավ, 8՝ շատ լավ (և/կամ լավ), 9՝ գերազանց, 10՝ բացառիկ (և/կամ գերազանց):
24. Մասնագիտության ուսումնական պլանով սահմանված չտարբերակված ստուգարքները գնահատվում են. «ստուգված», «չստուգված» եղանակով:
25. Ավարտական քննությունները (հանրակրթություն) գնահատվում են 20 բալով, որից՝ 0-7 միավորին համապատասխանում է 2 (անբավարար) գնահատականը, 8-12-ին՝ 3 (բավարար), 13-17-ին՝ 4 (լավ), 18-20-ին՝ 5 (գերազանց):
26. Պետական ամփոփիչ ատեստավորման, դիպլոմային նախագծի (աշխատանքի) արդյունքները գնահատվում են. 5՝ «գերազանց», 4՝ «լավ», 3՝ «բավարար», 2՝ «անբավարար»: